

影印
文淵閣

四庫全書

影印

文淵閣四庫全書

第一二八二冊

北京出版集團公司
北京出版社

本冊目次

弇州續稿（二）

明 王世貞撰……………一

欽定四庫全書

集部
弇州續稿卷二

詳校官編修_臣潘庭筠

中書_臣劉源溥覆勘

總校官進士_臣楊懋珩

校對官檢討_臣郭寅

謄錄監生_臣許祖懷

欽定四庫全書

弇州續稿卷一

明 王世貞 撰

賦部

賦

靜姬賦

吳王時有靜姬者國之東海下邑某氏女也家世華顯父母愛之既饒令安重以脩能讀書史

欽定四庫全書

弇州續稿
卷一

閑內則及笄而選得入宮掖備六尚之官階至姬娥視中二千石頗亦貴矣而性好閒靜貞孤自樹不善為盡又不善事其長循性而行見憎後進以讒賜退居永巷中乃為此賦以自解其辭曰

惟委精之下攝兮鍾靈淑於瑯琊熾心形之窈窕兮不飾步而阿儺娟然與先後而雜處兮挺瑤幹於蒹葭嘉命忽其責臨兮遂托乘乎九霄叶迴天瞬之微矚兮備

九嬪之嫔娥又得尚君之司馭兮秉上介於陵園出不
敢竊君之薄怒兮入不敢覬君之異恩居多避而少進
兮藉禮義而自藩貴何希乎飾珎兮佚胡羨乎乘軒
三株之蔽月兮姐如藉以擅宮衆望風而魄攝兮肩日
曾以先容余獨安此拙薄兮足遭迴與心應衆既詠余
之蛾眉兮遂飾余以強項乘驪龍之熟寐兮屏余返乎
永巷白日匿光不迴照兮蒙氣抑邑而干霽慧既鼓夫
裂地之衡飈兮又結橫天之妖虹紛余憫此同仇兮晨

欽定四庫全書

卷一 齊州續稿

二

傍徨而筵筵憂後命之叵測兮竊有冀於將然更申申
而詈余兮荃豈畏天日而甘此冥昏擲歡樂于俄頃兮
就沈怪之太年余既不獲前衆以矯進兮又安敢後衆
而虞退荃方極意於姬姜兮寧暇惜此管蒯追昔誓而
自數兮覺面目之可示夜夷然其赴枕兮亦何恨於牀
第忽鈞天之自西兮丙夜其猶未竟內忻忻其若偕兮
吾王庶幾無疾病將玉體之不任兮宗社岌乎其焉凭
被琴亦何知兮唯快心於一誑晨盥漱而就巾幘兮倦

玉階之履綦紅女薄伎不足嬰兮聊發篋而陳書詩感
鳴商之牝雞兮岐聖方重此開雖棄周鼎而寶康瓠兮
恐外庭之類茲噫噓職長門之若歲兮心悅君而不可得
班寄情於白華兮終鬱鬱而難釋夫大椿亦道盡兮矧
凜秋之飛藿余將夷長信于未央兮恣逍遙而無極

後靜姬賦

王既紉靜姬之七年采諫臣言追罰嬖幸之長
以次就理下教大長秋故姬某婉孌而文以禮

欽定四庫全書

卷一 齊州續稿

三

自閑孤之不聰擿不中繫永巷省愆為日已久
其賜湯沐襲冠服仍守故尚加秩一等使者臨
致命靜姬固謝稱疾篤不任行使者去乃為賦
以自廣其辭曰

歲際關逢之渚灘兮攝提貞于孟陬蕩明河使滌兩曜
兮妖慧遁乎窮霄念娥媯之淑清兮王綸渙發于長秋
妾久處此永巷兮實冥心乎九幽室向隅而迴照兮水
覆地以再收感余髮之昔鬢兮今曲局而不可沐紅顏

包其弗明兮體骨立而膚剥脂澤黯其無光兮業已奮
而中縮裳衣顛倒以思御兮尋沈吟而就襟燕啁啾其
若賀兮雞喔喔以噉鳴隣女驚而九起兮慚阿監之不
見微抑及中之壯家兮強脩顏而史行曰天聽忽卑兮
帝命不于常舍冥冥之昏墊兮就昭昭之白日增成賜
祓而召見兮輔屬體而若一蘭膏煜以燭夜兮椒風溫
溫乎甲室芬芳溢于北宮兮餘輝傍暎乎西衙飲五齊
之捫乳兮啖以粃粃與飯餽二八代射而侍寢兮輕舉

欽定四庫全書

奔州續稿

四

出入于洞房目窮藍珠之煜煜兮耳飽天樂之鏘鏘冠
華鬋之七寶兮足下絲履五文章惟吾儕之蠖伏兮荃
獨際而鵠伸胡戀戀此蹄涔兮若夜魚之愛鰓感祭者
之見導兮寧獨脊而心非人歎君澤之難保兮往事耿
其在顰甫調飢之相迫兮糗草甘而自腴胡啖余以八
珍兮謫余而侈其喉得失若循環兮寶銷顏之冶鑪羌
侘傺於一朝兮痛前轍之不須臾卧拖紳而冒絮兮不
敢發乎君矇銜回枯之至仁兮雖槁死其奚能忘慚陋

質之么膺兮敢偃蹇而自托乎貞姜惟寢瘵之沾侶兮
忍以薦乎君王感雨露之汪濊兮願均施乎萬卉彼怨
女啾詠於深宮兮誠畏傳乎余耳念宗祧之鼎維兮又
重虞乎玉體昔余飯誠於西母兮侍真餐焉而啓齒重
曰生理有涯兮欲無涯元真易去兮不易歸有情無情
兮我媚我芳恬澹寂寞兮千齡為期

白鸚鵡賦

鸚鵡純綠色以其喙紅黑為雄雌見鐵圍山叢

欽定四庫全書

奔州續稿

五

談而白者紅者五色者最不易得北戶錄桂海
志皆稱白者稍大於它鸚鵡冠有五羽若護華
作輕黃色怒則盡張尾截於鵠外粉內蜜余從
友人徐子與所見之果爾而靈慧秀俊依人可
憐子與以余之喜之也舉籠以贈而徵一賦焉
其視正平不能彷彿視延年摩詰或差有致耳
猗西域之慧羽稟金方之淑潤頻迦授以仙音孟虧錫
其美膚倘瑤池之托質何青鳥之傳信冠擬護而三秀

尾如鵠而偏俊若乃孕別雄雌喙分丹黑黑則片葉破
霜丹則微苞坼白豈辨口之象人實靈心之天錫忽乎
穿林閃銀梭之秀機舒而飲泉儼螺觴之承瀝於是虞
人憇憇以進羅射師屏營而却弩雖靡逃乎一目幸毋
損其片羽強彷徨而就食中掩抑而思土塊焉獨處悄
然私語彼越裳之遙使何異德而並依此隴首之下傳
復質是而文非出入珠愚夷猶紫微感異夢於司空受
真經乎貴妃爾其性含雅馴度絕驚怒皓魄增輝飛霞

欽定四庫全書

卷一 兗州續稿

六

奪素壁人出則一市盡傾玉奴入則六宮爭妬何郎傳
粉以清言杞婦被縞而悲訴偶失身於置網遂長辭於
林樾足何辜而見維翮奚妨而遭鐵嗟半菽之示恩均
轍淦以苟活顧壺冰以憐影臨綺颺而捫舌乃有謝豹
勸歸倉庚和歌聞音似友辨字則叱彼栖鵲之濯濯或
舞鶴之傚傚儼長狄之來魯郊非族類其奈何是以絕
念戎荒甘心謝庭藉玉樹以長棲顧瑤草而怡情啜三
危之澄漿飯九光之秀莖願得臣兗州之大鳥相與誦

聖瑞於千齡

紅鸚鵡賦

余賦白鸚鵡之再歲而家仲氏以覲歸自江右
則攜一紅鸚鵡云左伯張春宇氏所贈者色殷
翠可愛亡它雜羽雙趾亦如之唯喙黃耳雖語
不能四五而皆明了間作歌音宛轉流利若中
節奏仲氏甚珍之再攜之江右則為隣院焚尸
衣烟觸死矣余感其薄命而天聊為詠言昔謝

欽定四庫全書

卷一 兗州續稿

七

莊賦成素淑掩卷今其存者雖不十五皆摘其
尤而事鮮旁證味同嚼蠟語云才難不其然乎
余之此賦雖不足鼓吹正平庶為此鳥傳神耳
粵古西王母命彼青鳥使於祝融祝融賓之便嬖甚口
靡所不通爰祈孟虧邁報聘者百羽道盡而得鸚鵡錫
之緋服毋與綠伍其緋伊何則猩猩氏之所潤色也辭
命伊何又猩猩氏之所訓譯也惟是瑤臺介紹皆曰殷
鮮朱鳥以為上客王母異之栖以珊瑚之樹而薦以火

齊之席韎韠堆盤櫻桃的歷琥珀映觴瓊漿流液仙姬
羣醉兩輔差敵瞥焉長辭東越流沙虞人睥目畢弋交
加惜銜命之未達忽中構乎網羅感炎荒之故主誓矢
死而靡他主人愛之長離斯亞白玉為籠黃金橫架飼
以丹實酌以清泠豈無寸心與貌偕賴將結咽而無言
虞不鳴之見烹于是誦彌陀祝天帝稱千秋與萬歲燦
齒賈姬破顏褒如聲何貴乎裂帛貌胡擇乎射雉若乃
展清歌流妙音如中宮商因風浮沈咬咬裊裊懸蠻冶

欽定四庫全書

卷一 齊州詩品

淫感韓娥之停耳將師延之寫心或翩然其翻袂呈巧
舞于君之掌忽窈窕以穿林又徘徊而侵幌爛爛兮落
霞剪秋颼湛湛兮芙蓉受朝暉凝睇則朱紱斯皇過隙
則景天夕飛心搖颺而欲逝尋眷戀以長依感新恩之
瑰渥不羞呈乎百伎苟賤質其未縻唯一人之斯媚天
豈奪爾胭脂之山忽粉消而紅瘁將妖夢之是踐處深
箒而遭驚悲日南之永隔雖少君其弗可致嗟乎佳人
含軫于薄命才士流惜於短年馬嵬之血漬土江夏之

魄施烟彼固授汝以般若之經而贈汝以春容之篇者
也尚先汝而璧碎亦奚貴乎瓦全辭曰天命玄鳥降生
商兮帝官白雀膺上卿兮汝才百倍等螭螭兮魂乎歸
來毋盡傷兮為汝傳神永不亡兮彼詞寥寥胡謝莊兮

紅倒掛鳥賦

丁丑之春余栖弇園有自郡來者言客攜紅鸚
鵡求售其直為六金余殺其五鵲得之至則非
鸚鵡也其體量小十之六首尾紅色如猩血而

欽定四庫全書

卷一 齊州詩品

九

兩翅各一二莖如翡翠腹毛隱隱作鵲黃背差
類鸚鵡而小色亦黃其音婉麗輕細極馴擾出
入人懷袖間竟不能辨為何鳥而時時掛一足
於架倒懸移晷又不動則意其為倒掛鳥也居
一歲死葬之先月亭後土岡叢條下考蘇子瞻
詞有所謂倒掛綠毛么鳳劉續霏雪錄謂即李
贊皇所賦扇中五色桐花鳳也成都大岷江磯
多植紫桐每至春暮來集桐花以飲朝露花落

散去不知所嚮又李之儀有詞云朱唇玉羽下

蓬萊佳時近早梅自注云此鳥以十二月來一

名收香倒掛又名探花使性極馴好集美人釵

上宴客終席不去人愛之無所害唐僧隱詩亦

云美人買得偏憐惜移向金釵重幾銖楊用脩

復緣劉績錄以倒掛為桐花鳳然其至也李之

儀以為十二月而德裕乃以為暮春子瞻之詞

綠而之儀之詞則白差小不同復考范成大桂

海虞衡志則謂彼地有五色倒掛鳥極馴狎可

愛而一種奇者畫則能聚諸香羽間夜分倒懸

于架徐出之費氏星槎勝覽直云爪哇國有五

色收香倒掛鳥則彼地所出皆善收香者也今

不聞成都有此鳥疑德裕所謂桐花五色靈禽

者別為一物而賦辭則云發長袂之清香掩短

歌之孤嘯又似收香倒掛將所謂發香掩嘯為

賦扇也耶余所得此鳥稍大於燕或不類而峭

潔婉麗時時倒掛又有不可曉者賦而紀之以
俟博聞者攷焉

熒惑之精瑤光之星鍾自南服命之帝庭曰爾為赤而

不為鳥又弗肯與燕雀徒既俊而翔洵美且都昔張翁

之纂劉佳白羽之知歸既脣之以上卿又申錫以朱緋

倉鷗帝服爾其相之眈眈徽音厥亦差池調節柔骨巧

態多姿其穿葉也若蘋鱗之的的其棲枝也若丹荔之

離離遠則熠燿之曳簞邇則金梭之透機若乃蜂蠟點

脣鷺黃裏肚穿和入袞斂羽就輔如戀如暉或歌或訴

又如嬌女需責乳哺豈青雀之入懷寧飢鷹之暫依忽

倦栖而思奮翹一足以縈縈夫孰不困于倒懸汝乃斂

息而樂之抑千歲之伏翼腦初重而下垂將掛藤之渴

猿俯以窺夫深池爾其兩帳聚芬甲夜吐篆霏霧時撲

縷烟不斷晝既爛兮目成宵復通乎鼻觀得非從天女

游而啄香積飯者耶惟德惟色皆汝之羸而斯伎之未

能彼辟寒之鳥同汝並棲乎妓膺彼以輕而見憐此毋

以重而或憎余皆不汝責而恃汝以老將畢吾耳目之
好胡溘焉而就冥使房隴之如掃亂曰如意未展珊瑚
碎兮玫瑰隕魄沈波際兮嬌音在梁有餘媚兮葬汝茲
麓毋為厲兮吳王小女挾汝侍兮

馴鵠賦

余有馴鵠數十頭頗極美麗飛雖循性飲啄得
所聊為賦之

惟中國之珍禽有茲羽之殊質貌皦皦而自分性溫然

欽定四庫全書

卷一 禽州續編

十二

其如一秋則離翰並麗於潯陽春則木藥均華于洛室
指未易屈譜不能悉爾乃玉背朱眸危冠卑趾或冰質
而彩其雙翅或雪毛而黔其首尾或若藻繡之就機或
若商彝之出水山雞莫調家雉無文爾獨馴狎雲錦成
羣飢而兒女之昵昵飽矣童稚之欣欣方捐心以委質
忽儻身而入雲舒徐兮傳霞之碎剪慄疾兮奔星之疊
發忽天樂之錚鏦知傳鈴于尻末始順風而揚聲奈迴
颺之錯節若夫昂首聳肩周旋中規婉態柔音逐雄媚

雌無別羞慚乎匹鴛鴦淫少愧乎開雉然而知足知止
毋乃天機當抱卵之綿綿若返聽乎玄府憐弱雛之艱
食更嘔哺而不辭苦感主人之微祿日徬徨兮未忍去
嗟德曜之肥醜恐終羅乎鼎俎彼夫好水之敗以為爾
罪端陽之射與器俱碎霜風冽野鷹隼方厲托慈蔭于
佛日指招提而趨避曷若狂夫衽鐵思婦流黃遼陽一
信為致君傍辭曰洛中黃耳為日長上林雁素竟茫茫
不辭天衢遠銜恩酬稻梁

欽定四庫全書

卷一 禽州續編

十三

哀辭

魏考功懋權哀辭

魏郡魏允中字懋權弱冠為博士弟子者十年試婁第
一最後試於京兆復第一遂赫然有海內聲明年屈於
禮部又三年復得第三人暨廷對為丙科第一人拜太
常博士久之特遷吏部司勳主事尋移考功中寒疾醫
者藥之誤以死春秋僅四十二而已懋權之父太公用
明經仕為關倅垂九載移疾歸猶弗具索有三子

皆以文行取甲第懋權其仲也長身疎眉目偉姿槩為人尤簡直朗鼎齒在卑穉身猶逢掖而志意雄千古材氣冠一世余故起家飭魏之兵事得懋權於諸生中而異之會行屯邢之黃寺堡挾以從懋權所試治舉子義雖步驟不中程然識其必千里也已搜其橐得詩數章遂以古文辭進余覽之雖未就刪琢然識其必清廟器也故為韻語以贈之至末云還將代興意對酒頌如渥其屬意懋權者非輕淺也既別懋權於舉子義益精古

文辭益成長歲丙子余與王大參陽德飲於其使院使急足徵順天錄而語之啓錄而魏某第一者鼓於門不第一不鼓也抵暮鼓發則懋權果第一相與譁叫絕倒久之記此事殆如昨日耳余性不喜當人師有贄幣而稱門弟子者掩耳避之若浼至懋權之授書而以門弟子禮來雖一再辭然不至作掩耳避者余非謂足當懋權師以余之知懋權深也嗚呼懋權今已矣海內之操七寸管而治舉子義者將歎且詫曰吾曹失一指南矣

其稍慕為古文辭者將曰失一名士矣其慷慨持論依傳風節者將曰失一赤幟矣廊廟之上念及藥籠者將曰失一珍餌矣而余猶以為未盡余所惜者令懋權不死必能為縣官作汲長孺韓稚圭其又不死而進之雖抗顏而談理性若王仲淹張子厚挹汾渭之流而俎豆洙泗之傍亦無艱者今復何望也懋權為博士時數以不依阿師長持議諤諤其語入執政耳執政忤欲脩郤於懋權未及發而殞無何懋權之兄侍御史懋忠指摘

後執政語絕不可聞後之執政寬雖小示左而旋收之更拔懋權要地夫以執政之欲脩郤於庶僚反掌耳其寬者既如此而忤者又如彼天之於懋權當不為無意也博士於格為諫官以懋權之直而為諫官事必爭爭必得危小者官大者身今去懋權之危而置之格之上以伸之固人也亦未必非天意也懋權之生四十二年矣天固無所不厚一旦而奪之者何也懋權忠於君孝於親篤於兄弟信於友非有所致奪也夫以余之無似

世母遂泯泯懋權其文曰

嗚呼夫何靈禽三產於丹穴兮長離獨翹然於中央冠
南金之彪炳兮五彩陸離其文章望阿閣而矯吭兮辭
音協而中宮商天老頽伏而告祥兮后變擊石而揚浩
倡蔭以嶧陽之翠蓋兮薦以嶰谷之芳穗啞嚶容與於
玄圃兮萬目睽睽而拭背忽葳蕤其吉光兮曾不得終
賁乎昭代乃召巫陽而訊之兮將招魂乎四裔陽曰帝
意惝恍莫可控揣忽予忽奪焉觀所在陽愧失職自竄

大荒發櫝布占當塗之慶後四千年文明以昌猗畢氏
之樹滋兮感土王而來聚白眉瞰其獨良兮長頭偉而
最怒瑤姿頰以晚顏兮饒百能脩且婢挾象龍之文葩
兮指康衢而馳驟焚都梁於木末兮順颺揚乎天路疇不
仰荃之芬菲兮逐臭之夫乃掩鼻而却步夕賜沐於椒
寢兮晨播熈乎中涓衆方信指而詠荃之蛾眉兮爭飾
輔而脇肩袖攘腕而思秘兮尹徊徨而聲自吞若朝霞
特出於晦靄兮一身當乎三千余豈夸荃之逞意兮實
宗祧乎是賴迺大命之弗延兮先秋卉而凋瘁氣猶暉
暉而神王兮將毋咎此質骸肉謝骨而就腐兮嗟衆口
之甫膾少妻夜號於逆旅兮儼寡鵠之啼風老父晨咽
而倚閭兮念舐犢之何從季子目斷於青門兮長君魂
搖於白下悼人琴之俱絕兮哀塤篪之和寡指蒼天而
為正兮天胡至此極也豈造物者之好戲兮何喜怒併
於頃刻也彼迷陽偃蹇而叢生兮蘭玉茁而見鉏狐狼
交跡於五父兮祥麟訖而遽屠美淫泯之積厲兮人亦

乘之以為虐生與時而終左兮亦焉知夫死之不樂重
曰然歟否耶咄咄喑喑太和蒸兮斯汝造明良際兮爰
汝好汝得世兮聊以逞世得汝兮以為寶鵬何鍛兮扶
搖驥何蹶兮中衡得汝兮無雙失汝兮不再微辭宛兮
若新曼容杳兮焉在覩倫常之盛際兮汝安能忍焉而
遽背鞭鯨馭虹太怵怵兮孰與京洛之重載佺期矯矯
稱先進兮何似詆蕩而友吾曹淮南守廁不得代兮曷
若地肺之消搖笑巫陽失職而久遁兮魂媮佚而不可

欽定四庫全書

卷一 齊州續編

十八

追登徒忽忽有從往兮卒不覩夫靈均之歸亂曰人生
百年等暮旦兮所貴不朽在末筭兮追琢荆璵為圭瓚
兮未器而毀能無歎兮奉此昭昭歸汗漫兮化為列星
麗天漢兮

商城令孝廉翼亭沈君哀辭

前進士商城令孝廉沈君以葬其封工部鐵山公哀瘁
之極臨窆立逝竊悲其志燼其節而惜其未下壽也撰
哀辭一通以侑漿脯君其庶幾酬余哉

嗚呼在壬午之秋中兮封公先而棄公夕發訃而號慟
兮晨策蹇以南東衿紳悵焉其莫可攀兮稚老狂追而
巷欲空相與陬商邑之息壤兮尸而祝之循吏之宮惟
余掩跡於婁渚兮歲黥黥其將窮偕季子以見訪兮悴
然墨乎其容謂微言之可托兮悲冥駕之莫從遂銜戚
以下藏兮送艦傾乎吳之渚素旒夭矯而前驅兮嬰紼
彌漫於川塢彼原劇之為俠兮曾何足以比數念臨穴
之慘慄兮誓以身辱乎黃土嗟嗟孝廉真死孝兮夫孰

欽定四庫全書

卷一 齊州續編

十九

鑒此荼苦生人變化在俄頃兮使余臆結而不得吐追
崦嶺之一夕兮竟倏歟而成今古惟愚子之乏訓兮幸
得尚公之令女謝姻婭之舊好兮恂恂遜余以前哲夫
既政成於商邑兮謂卓魯其非所屑撫朱絃而三歎兮
將以寄榮名於白雪忽超然而遐覽兮厭濁世之羈紲
不悟余之非罔象兮玄珠炯炯其可擷豈司命之見妬
兮或帝真之所切逐霞旌之惆恍兮駕雲車以飄瞥昔
余束髮而登朝兮王父辱收之以交誼封公倏乎其玉

立兮遂復申乎世契愧班管之如椽兮咸不朽之余寄
既博觀於昭代兮曷有如公之善繼冠切雲之崔嵬兮
襟衆芳以為佩甫弱冠而歌鹿兮公車躑躅於中歲兮
薇垣以百里兮美錦成乎彊仕陋夫太史之傳滑稽兮
曾不覩西門之威惠吾獨歎昌黎之志馬氏兮感行藏
乎三世後死者之與斯文兮能無跼蹐乎前逝亂曰於
忽乎嗟哉千載一日兮志志不可究質兮何以托棕椒
漿蘭蒸兮回風靈旗卒莫可憑兮豈不爾思隔幽明兮
庶幾來歆鑒我誠兮

欽定四庫全書

卷一

二十

辭

植桃辭

時植桃於司刑之署
入夏未榮故有感也

署何托兮幽狴桃胡植兮夕庭忽春徂兮朱夏僕夫痛
兮告予以未榮憔悴兮若中霜又若長遠兮初折上枝
兮若髡下枝兮若繼迎風兮欲有言風過兮咽復吞中
夜兮長太息不言兮請對以臆此何辜兮牆陰彼何幸
兮上林流蘇障兮的歷七寶楯兮沈深不然歸兮武陵

徑千秋兮疇伐山窈窕兮天地水潺湲兮日月惜爾兮
匪處審觀質兮薄土大鈞兮何忍亦奚恫兮老圃

翫魚辭

中庭兮尋展翫翫兮為池脩鱗兮下上朱華兮參差綠
蘋波兮乍驚盼繁英風兮照歷亂下上兮星列參差兮
霞綯容何為兮頽且都意何為兮圍未舒聊鼓沫兮就
人恍若怯兮潛於虛予懷兮未敢言相對兮各茫然滄
波兮萬頃目斷兮誰傳期振袂兮清泠何升斗之足憐

欽定四庫全書

卷一

二十一

二章舊執稿也其辭
雅矣惜其寄而存之

徽士有立而其二親久背者友人沈明臣為署曰

白雲遺思而以三章系之王子乃和焉

南山龍從兮雲吐其封北山庵靄兮雲栖其懷雲之白
兮逾薜華兩輔接兮陽陰以和陽陰和兮蒸霖雨潤汝
膏汝兮俾無苦雲之來兮恍有倪雲條去兮返無期雲
有族兮承南離輪囷兮五色歲蕤爵以卿兮非汝好飾
以商兮汝告予以弗耀重曰昔賢瞻兮親在其下今我

瞻兮親於何所安得從龍兮薄太清引吭哀鳴兮為我少停

欽定四庫全書

弇州續稿
卷一

三

弇州續稿卷一

欽定四庫全書

弇州續稿卷二

明 王世貞 撰

詩部

擬古樂府

白雲謠

白雲西來瀾漫四垂雖有赤龍疇能不迷將子暫留有
桃如飴

欽定四庫全書

弇州續稿
卷二

一

穆天子謠

子洽東夏偕化人居豈無羣后唯子是儀執袪而騰不
以脛馳

易水歌

荆卿將入秦客送之易水荆卿歌焉而客和之
易水立兮虹繚天壯士一出兮秦為燕

垓下歌

羣雄伏兮嬰授首縱孤豚兮嚙人肘虞兮離兮弃若遺

天亡我兮將告誰

大風歌

高帝幸沛宴父老歌大風中大夫賈誼而和焉
大風發兮揚天威一劍游兮萬乘歸願得五臣兮贊無
為

秋風辭

武帝渡汾河中流擊楫而歌秋風文園令相如
跪而和焉

欽定四庫全書

卷二 齊州續編

二

秋風謾謾兮霜未飛草木忍彫兮待恩暉晉有璧兮汾
有珠君心懌兮自敷腴鍍金鉦兮雷大鼓神魚躍兮黃
鵠舞志談蕩兮媒慨慷來日短兮去日長望岩堯兮聳
雙龍恭已無為兮垂舜裳後天地兮凋三光

李夫人歌

人耶仙耶宛然而來者疇為汝之權耶
仙耶人耶翩然而去者疇為汝之身耶

平城歌

漢使來胡馬死漢使歸死馬起生何致致漢天子

其二

曲逆腹如腰腿不能出一奇彼有閼氏此有戚姬

其三

開一角縱漢兵漢天子有神靈

其四

漢天子何神靈韓彭死冒頓生

其五

欽定四庫全書

卷二 齊州續編

三

閼氏妬妬漢女單于樂樂翁主金珠紉縠壓駝馬

烏孫公主歌

妾人自慚兮諸侯女謬托嘉名兮漢翁主寵我餌我兮
作遠婚匈奴賤種兮號烏孫昆彌老兮非我偶少王壯
兮實余後念欲一死兮為國憂失身苟活兮貽國羞丞
相何人兮爵通侯

蹕林歌

六羸馬白羽竒嫖姚物故天助我單于自將會蹕林左

賢一矢貫兩禽

敕勒歌

銀服匿紫醜
酪寧胡闕氏
奏漢樂北風
攝羊一萬角
十道壯馬不得索

嬌女詩

嬌女好姿首
不為他人媚
阿母手簪花
花擲棄之地
作女任汝驕
作婦恐不易

三洲歌

欽定四庫全書

舟州續稿
卷二

四

阿母見錢喜
女今見錢悲
金鑄估客身
不得好心期

其二

萬斛我珂舟
人道是珍賄
一頭載紅粧
一頭載綠螳

其三

舡過第三洲
日落門前樹
定有可憎人
儂今不肯住

襄陽蹋銅蹄

襄陽老龍隄
繫石鐵作泥
駿馬驕鑿落
真是蹋銅蹄

其二

買得樊城酒
來醉襄陽伎
人道江波險
儂道是平地

其三

宜城七十里
朱樓與雲齊
無地著酒館
眼飽肚中饑

其四

醉倒習家池
扶郎郎不歸
道儂工下淚
去看羊公碑

宿阿曲

天門三十六
地戶七十二
門門與戶戶
一一一天帝

石城曲

欽定四庫全書

舟州續稿
卷二

五

石城諸郎子
結束種種新
眼角多留媚
是儂昨夜人

其二

廣陵細腰女
搦搦裁一束
不敢望同生
一宵抱亦足

莫愁樂

家家迎莫愁
人人說莫愁
莫愁歌一字
恰恰印心頭

其二

十萬作纏頭
莫愁不肯留
銀缸點欲盡
翻為莫愁愁

休洗紅